



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիդյան

«26» 07 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0135-23

Ձեռնարկողը՝

«ԳԼՈՐԱԼ ՊՐՈԳՐԵՍ ՄԱՅՆԻՆԳ» ՍՊԸ

ք. Երևան, Վ.Սարգսյան փ. 26/3

Գործունեությունը՝

Սյունիքի մարզի Սիսիանի հանքային շրջանի Այրիգեղի
հանքային դաշտի օգտակար հանածոների
արդյունահանման նպատակով ընդերքի երկրաբանական
ուսումնասիրության աշխատանքների շրջակա
միջավայրի վրա ազդեցության նախնական գնահատման
հայտ

Սյունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № **0135-23**

«26» հուլիսի 2023թ.

Սյունիքի մարզի Սիսիանի հանքային շրջանի Այրիգետի հանքային դաշտի օգտակար հանածոների արդյունահանման նպատակով ընդերքի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտ

Ձեռնարկող՝

«ԳԼՈՐԱԼ ՊՐՈԳՐԵՍ ՄԱՅՆԻՆԳ» ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ, Ծրագիր
/Գ կատեգորիա/

Գտնվելու վայրը՝

ք. Երևան, Վ.Սարգսյան փ. /26/3

Ներածական մաս. Այրիգետի հանքային դաշտը գտնվում է ՀՀ Սյունիքի մարզի Սիսիանի տարածաշրջանում, Սիսիան խոշորացված համայնքի Նժդեհ և Բնունիս բնակավայրերի վարչական տարածքներում, Զանգեզուրի լեռնաշղթայի հարավ-արևելյան ճյուղավորման, Բարգուշատի լեռնաշղթայի հյուսիսային լանջին՝ Դաստակերտ ավանից 3-8կմ դեպի արևմուտք, հարավ-արևմուտք և հարավ։ Ուսումնասիրվելիք տարածքը արևմուտքից ձգվում է Կաշաքար լեռան հարավային և արևելյան լանջերն ընդգրկող Այրիգետի Ծաղկունք վտակի ավազանը, իսկ դեպի հարավ՝ բուն Այրիգետի ավազանի միջին և վերին հոսանքները՝ զբաղեցնելով մոտ 1495.7հա մակերես։ Մոտակա բնակավայրերն են՝ Դաստակերտ ավանը (2 կմ և ավելի հեռավորության վրա), Նժդեհ և Ցղունի գյուղերը։ Երկրաբանական ուսումնասիրության աշխատանքների հայցվող տարածքի եզրագծերով մասնակի ներառվում են նաև Նժդեհ և Ցղունի բնակավայրերի բնակելի տարածքները, սակայն կոնկրետ աշխատանքների տեղամասերը Նժդեհ և Ցղունի բնակավայրերից ունեն նվազագույնը 200մ և առավելագույնը 3կմ հեռավորությունները։

Շրջանի հիմնական գետային զարկերակը Որոտանն է՝ իր Սիսիան և Լեռնաշեն ձախ վտակներով։ Դաստակերտի հանքային դաշտը գտնվում է Սիսիան գետի աջ վտակ՝ միջօրեական ուղղությամբ հոսող Այրիգետի վերին հոսանքի ավազանում, որի Աղջկաձոր աջ վտակն անցնում է Դաստակերտ ավանի միջով։ Այրիգետի հանքային դաշտի արևմտյան սահմաններում երկրաբանական ուսումնասիրությունների կատարման ծրագրի կազմման ժամանակ հաշվի է առնվել այն հանգամանքը, որ Ծաղկասարի ոսկու և վերին Ծաղկունքի պղինձ-մոլիբդենային հանքերակույմների արևմտյան թևերը (մոտ 150 հա) համադրվում են



«Զանգեզուր» պետական արգելավայրի տարածքի հետ, ինչի պատճառով այդ տարածքներում լեռնային փորվածքների անցում և հորատանցքերի հորատում չի նախատեսվել: Նախատեսվող գործնելիությունը համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 14-րդ հոդվածի 6-րդ մասի 2-րդ կետի ա. ենթակետի, հանդիսանում է Գ կատեգորիայի գործունեության տեսակ:

Նկարագրական մաս. «Գլոբալ Պրոգրես Մայնինգ» ՍՊ Ընկերությունը նախատեսում է Սիսիանի հանքային շրջանի Այրիգետի հանքային դաշտի սահմաններում մոտ 1495.7 հա տարածքում կատարել երկրաբանական ուսումնասիրության աշխատանքներ՝ մետաղական օգտակար հանածոների հետախուզման նպատակով: Հետախուզաառուների անցումը նախատեսվում է իրականացնել ձեռքով և մեքենայացված՝ էքսկավատորի միջոցով: Նախատեսվում է անցնել ընդհանուր 1000 զձ.մ կամ 1600 մ³ հետախուզաառու: Նախատեսվում է անցնել նաև 100 գ.մ. ընդհանուր երկարության, մինչև 5 մ խորությամբ, 1.25 մ² կտրվածքով 20 հատ հետախուզահորեր՝ ընդհանուր 125 մ³ ծավալով: Հետախուզաառուները, հետախուզահորերը, համաձայն անվտանգության տեխնիկայի և շրջակա միջավայրի պահպանության կանոնների, փաստագրումից և նմուշարկումից հետո ենթակա են լցման՝ ընդհանուր 1725 մ³ ծավալով, որի ընդհանուր մակերեսը կկազմի 825 մ²: Նախատեսվող հորատման աշխատանքների ընդհանուր ծավալը նախատեսվում է 4000 զձ.մ, որից 970 զձ.մ. (7 հորատանցք)՝ Ծաղկասարի ոսկու, 1170 զձ.մ. (10 հորատանցք)՝ Ներքին Ծաղկավանի պղինձ-մոլիբդենային հանքային գոտու ուսումնասիրման համար, 1860 զձ.մ. (13 հորատանցք)՝ այլ հանքերնակումների նախնական գնահատման համար: Ընդամենը կանցվի 30 հորատանցք: Ըստ նախնական տվյալների տարածքում սպասվում է միներալոգիական երեք տիպի հանքաքար՝ պղնձի, պղինձ-բազմամետաղային և ոսկու պարունակություններով: Նախատեսվում է տեխնոլոգիական հետազոտման ենթարկել պղինձ-մոլիբդենային հանքայնացմամբ Ներքին Ծաղկավանի հանքաքարը: Ուսումնասիրությունների հիմնական խնդիրն է հանդիսանում հանքաքարի բաղադրության մեջ մտնող մետաղներից պղնձի և մոլիբդենի առանձին խտանյութերի ստացումը:

Սիսիանի հանքային շրջանի սահմանները լեռնագրականորեն տեղադրված է Բարգուշատի լեռնաշղթայի հյուսիսային լանջին, Այրիգետ գետի ջրհավաք ավազանում: Գեոմորֆոլոգիական տեսակետից շրջանը իրենից ներկայացնում է բարձր լեռնային գոտի խիստ կտրտված ռելիեֆով, որն ընդգրկված է 1950-3350 մ բացարձակ բարձրությունների սահմաններում՝ ընդհուպ մինչև Բարգուշատի լեռնաշղթայի ամենաբարձր գագաթներից մեկը (Գեղաքար լեռ, 3348.3 մ), և լեռնաշղթայի հարաբերական մեծ գերազանցումով գետի հունի նկատմամբ: Բարգուշատի լեռնաշղթան հանդիսանում է ջրբաժան՝ Որոտան և Ողջի գետերի միջև: Այն ձգվում է Զանգեզուրի լեռնաշղթայի Գեղաքար գագաթից դեպի արևելք՝ ավելի քան 60 կմ երկարությամբ՝ աստիճանաբար ցածրանալով Որոտանի կիրճում: Այն բնութագրվում է հովտային խոր մասնատվածությամբ: Բազմաթիվ գետերի (Այրիգետ, Լեռնաշեն, Արամազդ և այլն) հոսքերը նպաստել են խորքային եռանդուն էրոզիայի և առաջացրել են 500-700 մ խորությամբ հովիտներ: Ռելիեֆին բնորոշ են էրոզիոն և տեղատարումային ձևերը, մակերևույթի խիստ կտրտվածությունը: Լանդշաֆտը տիպիկ բարձր լեռնային է՝ կտրտված խորը կիրճերով և գետերով: Ռելիեֆի առաջացման գործընթացում զգալի դեր ունեն հնագույն հին, այնպես էլ գործող սողանքները:



Ուսումնասիրվող երևակման ծայրակետային կոորդինատներն են՝ ARM WGS-84 կոորդինային համակարգով՝

1. X = 4358000.0 Y=8585370.0
2. X = 4359000.0 Y= 8584250.0
3. X = 4358500.0 Y= 8581350.0
4. X = 4359878.0 Y= 8581350.0
5. X = 4361000.0 Y= 8581599.0
6. X = 4361000.0 Y= 8584000.0
7. X = 4362720.0 Y= 8584000.0
8. X = 4362014.0 Y= 8586939.0
9. X = 4361754.0 Y= 8586744.0
10. X = 4360940.0 Y = 8586942.0
11. X = 4360448.0 Y = 8586756.0
12. X = 4361240.0 Y = 8586200.0
13. X = 4359280.0 Y = 8584600.0
14. X = 4358653.0 Y = 8585044.0
15. X = 4359650.0 Y = 8586450.0
16. X = 4358290.0 Y = 8587600.0

Պարճառաքանական մաս. Փորձաքննական գործընթացին մասնակցել են շրջակա միջավայրի նախարարության մասնագիտացված ստորաբաժանումները, ինչպես նաև առողջապահության, արտակարգ իրավիճակների, ներքին գործերի, կրթության, գիտության, մշակույթի և սպորտի նախարարությունները, Սյունիքի մարզպետարանը, «Զանգեզուր» կենսոլորտային համալիր» ՊՈԱԿ-ը և կադաստրի կոմիտեն, որոնց կողմից ստացված կարծիքները ևս հաշվի են առնվել փորձաքննության փուլում: Սիսիանի համայնքապետարանում, Նժդեհ բնակավայրի վարչական շենքում ՀՀ օրենսդրությամբ սահմանված կարգով, իրականացվել են հանրային քննարկումներ: 2-րդ հանրային քննարկման ընթացքում քննարկման մասնակիցների կողմից բարձրացվել է մտահոգող հարցեր՝ Այրիգետի հանքային դաշտի և «Զանգեզուր» պետական արգելավայրի համադրման մասին(150հա), Կարմիր գրքի և էնդեմիկ բուսատեսակների վերաբերյալ, ինչպես նաև, որ հայկական մուֆլոնի արեալը ներառում է Բարգուշատի և Զանգեզուրի լեռնաշղթաները, որոնց «ԳԼՈՐԱԼ ՊՐՈԳՐԵՍ ՄԱՅՆԻՆԳ» ՍՊԸ-ի ներկայացուցիչը չի տվել սպառիչ պատասխաններ:

Հայցվող տարածքի արևմտյան տեղամասը համադրվում է «Զանգեզուր» պետական արգելավայրի տարածքի հետ, որի կանոնադրության (ՀՀ կառավարության 19.12.2013 թ-ի թվականի N 1465-Ն Որոշում) 5-րդ կետի՝ պահպանության ռեժիմի համաձայն արգելավայրի տարածքում արգելվում են՝ «8) երկրաբանական ուսումնասիրության աշխատանքները



(հողային ծածկույթի խախտմամբ), օգտակար հանածոների հանքավայրերի, երևակումների շահագործումը, հանքանյութեր վերամշակող օբյեկտների տեղաբաշխումը»:

Ներկայացված հայտում նշված է որ «Ուսումնասիրվող տարածքի սահմաններում ՀՀ Կարմիր գրքում գրանցված և էնդեմիկ տեսակներ չեն հայտնաբերվել», սակայն պետք է նշել, որ հայցվող տեղամասի հարակից տարածքներից հայտնի են ՀՀ բույսերի Կարմիր գրքում գրանցված ավելի քան 8 բույսերի տեսակներ:

Նախնական գնահատման հայտում նշված է «Հետազոտվող տարածքի համար գրական աղբյուրներում նշվում են կաթնասունների 16 տեսակներ: Կարմիր գրքում գրանցված տեսակներ չեն դիտարկվել:» Պետք է նշել, որ ըստ ՀՀ կենդանիների Կարմիր գրքի հայկական մոֆլոնի արեալը ներառում է Բարգուշատի և Զանգեզուրի (Սյունիքի մարզի Դաստակերտ գյուղից դեպի հարավ) լեռնաշղթաները:

Համաձայն Կադաստրի կոմիտեի տվյալների հայցվող տարածքի մակերեսը կազմում է 1495.7 հա, էլեկտրոնային կադաստրային քարտեզում տեղադրելիս համադրվում է պետական, համայնքային, քաղաքացիների և իրավաբանական անձանց սեփականություն հանդիսացող բնակավայրերի, գյուղատնտեսական, ընդերքօգտագործման և այլ արտադրական նշանակության, ինչպես նաև ջրային նպատակային նշանակության մի շարք հողամասերի հետ:

Ելնելով վերոնշյալից և հաշվի առնելով ՀՀ կենդանական աշխարհի մասին օրենքի 18-րդ հոդվածի՝ արգելվում է ցանկացած գործունեություն, որը կհանգեցնի Հայաստանի Հանրապետության կենդանիների Կարմիր գրքում գրանցված տեսակների թվաքանակի կրճատմանը և դրանց ապրելավայրերի վատթարացմանը, ինչպես նաև ՀՀ ջրային օրենսգրքի 99-րդ հոդվածի պահանջները: Ընկերության կողմից հայցվող տարածքում ընդերքօգտագործման նպատակով երկրաբանական ուսումնասիրության աշխատանքների իրականացումը համարվում է ոչ նպատակահարմար:

ԵԶՐԱՓԱԿԻՉ ՄԱՍ

Հաշվի առնելով վերը նշված փորձաքննական հիմնավորումը «ԳԼՈՐԱԼ ՊՐՈԳՐԵՍ ՄԱՅՆԻՆԳ» ՍՊԸ-ի կողմից փորձաքննության ներկայացված՝ Սյունիքի մարզի Սիսիանի հանքային շրջանի Այրիգետի հանքային դաշտի օգտակար հանածոների արդյունահանման նպատակով ընդերքի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ տրվում է բացասական եզրակացություն:

«Շրջակա միջավայրի վրա ազդեցության փորձաքննական կենտրոն» ՊՈԱԿ գլխավոր մասնագետ՝



Վարդան Հարությունյան